

تبریز شهری، اۆلکه‌نین هوشمند شهرینه تبدیل اولور/گونده‌لیق 3.4 میلیون نفر تبریزده تردد ائلیرلر

تبریز شهرداری بو شهرین هوشمند شهره تبدیل اولونماسیندا خبر وئریب دئدی: تبریز اۆلکه کلانشهرلری ایچینده لاپ کهنه‌لمیش عمومی حمل نقل ناوگانینا صاحبدیر و گونده‌لیق 3.4 میلیون نفر بو شهرده تردد ائلیرلر.

تبریز شهرداریسی‌نین عمومی رابطه‌لرینین وئردیغی خبره گۆره، تبریز شهرداریسی‌نین 94-جو ایلینده حمل نقل برنامه‌لرینین و اولویتلرینین آراشدیرما جلسه‌سینده دئدی: تبریز شهرداریسی‌نین 94-جو ایلینده حرکت و فعالیتلری، شورانین تصویب ائله‌دیغی بودجه برنامه‌سی و تۆکدوغو برنامه‌لر اساسیندا اولاجاق و بو برنامه‌دن کنار هنج ایش گۆرولمیه‌جاق. تبریز شهرداری مناسب برنامه تۆکماق و اجرا نتیجه‌سینده تبریز هوشمند شهره تبدیل اولماسینا تأکید ائله‌ماغینان آرتیردی: ایندی تبریز خیابانلاری شهروندلری و قوناقلاری مقصده راهتمالیق ائله‌میر. معبرلری تابلو و علامتلرین شهروندلری پیاده و سواره وضعیتده مقصده راهتمالیق ائله‌ بیلن شرایطه گئیرمه‌لی‌یوق. تبریز شهرداری تبریزی اۆلکه کلانشهرلری ایچینده لاپ کهنه‌لمیش عمومی حمل نقل ناوگانینا صاحب اولان شهر اولدوغونو و گونده‌لیق 3.4 میلیون نفر بو شهرده تردد ائتدیغینی دئییب آرتیردی: شهرین ایندیکی ناوگانى احتیاجلارا جواب وئریمیر و بو شهرین اتوبسرانی و تاکسیرانیسی توسعه وئرلمه‌لیدیر. او دولتین عمومی حمل نقله سوبسید وئرمه‌سینه تأکید ائله‌ماغینان آرتیردی: تبریز شهرداریسی گئچن ایلین آخرلریندن قرارداد باغلاماغینان 170 بیر و ایکی کابینلی و برقی اتوبوسون حمل نقل ناوگانینا قوشولماسی‌نین مقدماتین حاضرلائیپ و اونون کناریندا آیری 100 اتوبوسون اساسلی تعمیرى این شهر اتوبوسلارینی اوچده بیر آرتیراجاق. نجفی دئدی: گئچن ایله قدر تبریز متروسونا 430 میلیارد تومن هزینه ائله‌میشوق و 94-ون آخرینه قدر شهرداری میدانیناجن مترونون ایشه سالینماسینی اومید ائلیروق.